

Regional News Unit AIR Aizawl  
Thursday, November 14, 2024  
Time - 7:30 -7:40Hrs

## REGIONAL NEWS BULLETIN

### HEADLINES (MORNING)

- Union Minister of State, Housing & Urban Affairs Pu Tokhan Sahu an Mizoramah PM Awas Yojona – insak tanpui dawng thei tu zingah zaa 30 chauhin an chhawr tangkai a a lungawithlak loh hle a ni a ti.
- Mizoram chung District zawng zawngah chhingatna hrang hrang thlen thulha chet lak dan tur leh hmachhawn dan tur enchhin na Mock Drill vawiin hian neih a ni ang.
- Jharkhand Assembly inthlan thawhkhatna chu nimin khan venhimna khauh tak hnuaiyah tluang taka zawh a ni
- Prime Minister Narendra Modia chuan mipuiten hriselna tluantling an neih chu a sawrkar tum ber a ni a ti.



### UNION MINISTER

Union Minister of State, Housing & Urban Affairs Pu Tokhan Sahu an Mizoramah PM Awas Yojona – insak tanpui dawng thei tu zingah zaa 30 chauhin an chhawr tangkai a a lungawithlak loh hle a ni a ti.

Kan corr in a kawmnaah he thu hi sawiin Pu Tokhan Sahu-a chuan khawpuia central sorkar scheme kalpui a nih dan endiktu turin Union Minister te ruat an nih anga lo kal a nih thu sawiin, tun hnuah chuan officer ten Mission hnathawh hrang hrang te an endik zui tawh ang a ti a, PM Awas Yojona pawh zaa za tuam chhuah ngei ni se a duh thu a sawi a ni.

Pu Sahu-a chuan Smart City kalpuina turah pawh sorkar laipuiin sum a thehchhuah vek tawh hnuah hnathawh tur 16 chu tikhawtlai a ni mek tih a sawi a, PM SVANidhi scheme hnuaiyah Ist installement dawngte pawhin a thawh 2-na leh thawh 3-na an dawng ngei tur a ni a ti a, heng scheme hrang hrang kalpui anih dan te belchiang turin vawiin hian inspection-a a chhuah tur thu a sawi a, official te pawh inspection tur hian a rawn tirh zui tur thu a sawi bawk a ni.

Union Minister hian nimin tlai khan Planning & Programme Implementation (P&PI) Conference Hall-ah Urban Development & Poverty Alleviation (UD&PA) Department hotute kawmin Aizawl Smart City Ltd. hnuaiyah Project, Swachh Bharat Mission (Urban) (SBM-U), Atal Mission for Rejuvenation & Urban Transformation (AMRUT), Pradhan Mantri Awas Yojana - Urban (PMAY-U) leh Deendayal Antyodaya Yojana - National Urban Livelihood Mission (DAY-NULM) chungchanga an hmalakna leh an harsatna te sawiho a thutkhawm a ni.

Pu Sahu-a chuan Central Sawrkar chuan India ram hmun tinah hmasawna a awm theih nan leh tumah hi hnuaihning bik lo se an duh avangin theihtawp a chhuah mek a ti a. Aizawl Smart City Ltd. hnuaiyah project te chu nakum March ral hma-a zo hman ngei turin a chah a.

Project zawh tawh te pawh tha taka mipui hriat theih tur leh an hman tangkai theihna turin branding lamah leh a puanzar lamah nasa zawka hmala turin a chah a ni.



**GOVERNOR**

Governor Dr. Hari Babu Kambhampati an Ministry of Development of North Eastern Region (DONER) leh Federation of Indian Chambers of Commerce & Industry (FICCI) te tangkawp buatsaih Northeast Trade and Investment Roadshow, Hyderabad-a neih chu nimin khan a hmanpui.

Governor chuan investor kalkhawm zinga drone pilot training leh service provider-te chu Mizoram Sawrkar nena thawkduna Agriculture leh pawimawh danga drone hman dan inzirtirna buatsaih tura a sawm bakah, technology lama theihna sang tak nei Mizo thalaite chhawr tangkai an nih theih nan IT company leh skill development provider-te chu hun remchang siam sak turin a sawm baw a. North East India chu ram leilung hausa leh theihna sang tak nei a nih thu sawiin, Industrialist-te chu hei hi remchanga hmanga technology nena tangkawpa tan la turin a sawm a. Mau tamna North East State-ah Ethanol siam chhuah chu investment tihna remchang tak a nih thu pawh tarlangin, Sawrkar laipuiin North East hmasawna ngaipawimawha theihtawp a chhuah thu leh hmasawna hrang hrangte a thlen mek bakah ram ralmuang tak a nih chhoh zel thu a sawi baw.

Dr. Hari Babu Kambhampati chuan North East State inkalpawhna tichangtlun turin Kaladan Multi Modal Transit Transport Project (KMMTTP) siam mek a nih thu leh zawhfel a nih hnuah chuan danglamna thlentu leh tangkai taka hman a nih dawn thu sawiin, inkalpawhna leh inbiakpawhna kawnga hmasawna hian industrialist-te tan sumdawna kawng awlsam tak a siam a ni, a ti a. Tunhnaiah NE India-ah inkalpawhna kawngpui km 3000 chuang siam zawhfel a nih tawh thute, kum 3 chhungin km 10,000 siam leh tum a nih bakah project 400 vel bawr, cheng vaibelchhe nuaikhat dawn thawh mek a nih thute a tarlang a. Tunhnai kum 8 chhungin chhungin Air traffic zaa 113 a a pun thu leh Airport thar 8 a awm belh thute, waterways 17 a awm belh thute bakah Rail kawng km 400 dawn siam a nih thu leh Aizawl khawpui chu nakumah railway line-a thlunzawm hman tum a nih thu a sawi baw.



**MOCK DRILL**

National Disaster Management Authority leh State Disaster Management Authority, Disaster Management & Rehabilitation Department-te leh Mizoram chhung District tina Bawrhsap te hmalakna in vawiin hian Mizoram chhung District zawng zawngah chhiatna hrang hrang – leimin, tuilian leh kangmei thlen thulha chet lak dan tur leh hmachawn dan tur enchhin na Mock Drill neih a ni ang.

Mizoram hmun tam zawk hi lirnghing nat zawng Seismic Zone - V hnuai a awm niin Mizoram hmar lam hi a hlauhawm zual a, hei vang hian inralrin dan zirna neih a ni thin a ni.

Mizoram State Disaster Coordinator Dr. Lalrokima Chenkual chuan naktuka Mock drill neih turah hian ral khel dar Siren tih rik a nih tur thu a sawi a. Chhiatna thleng tura mock drill huaihawtna hmun hrang hrang pan leh hospital panna kawngah te lirthei che vel a tam dawn avangin mipuite chia lo tur leh an hmalakna te thlawp turin a chah a ni.

## BYTE of MSDC

Kan corr report lo ngaithla zui ang

Mock Drill hi Mizoram chhunga district tinah zing dar 10-ah tan a ni dawn a. Aizawl district bikah chuan Mock Drill hi - Sairang, Vaivakawn Zohnuai leh 7th Day Adventist hospital ah te neih a ni dawn a, Aizawl District huamchhunga mock drill neih turah hian Sairang bikah tui lian a lo thlen thulh a chhanchhuahna hnathawh dan neih a ni dawna, Vaivakawn Zohnuai – ah leimin a awm thulh a chhanchhuahna hna kalpui dan neih a ni bawk ang, Seventh Day tlanga Adventist Hospital - ah pawh kangmei a chhuah thulh a chhanchhuahna hna kalpui dan neih tur a nih thu Disaster Management hotute an sawi a ni.



## JAL SHAKTI

Sawrkar laipui Jal Shakti Minister Pu C.R. Patil hova North East State tin aiawh Minister te'n Swatchh Bharat Mission-Grameen (SBM-G) hnuai hmalaknate thlir hona hun Guwahati-a neihah PHE Minister Prof. Lalnilawma a tel.

Swachh Bharat Mission-Grameen hmarchhak state-a kalpui mekah Mizoram sawrkar chu a ti tha pawl ni mahse, hmasawna tur tam tak a la neih thute he hunah hian tarlan a ni a. Heng hmasawn an ngaihna zawnahthe hian PHE Minister Prof. Lalnilawma chuan nasa zawka Mizoramin tanlak a tum thu leh amah ngei pawhin Department-te nasa zawka lo enpui a tum thu a sawi a ni.

Union Jal Shakti Minister chuan North East State te'n harsatna hrang hrang karah theihtawp chhuaha faina leh thianghlimna kawnga hma an la leh hemi rahchhuah tha tak hmuh a ni chu lawmawm a tih thu a sawi a. Individual Household Toilet (IHHT) dilnate ni 30 chhunga buaipui hman tur leh tuna la khaihlak mekte chu ni 15 chhunga zo hman tura kalkhawmte chahin, March 2025 ah chuan 'Sampoorna Swachhata' dinhmun thleng hman tura tan la turin a chah a. Thla tina District Water and Sanitation Mission (DWSM) thutkhawm nei tur leh, 'Hammara Shauchalay: Hammara Samman' Campaign hnuai hman tur 'World Toilet Day 2024' atan tha taka inpuahchah lawk turin a chah bawk.

He huna tarlan a nih danin North East State-ah thingtlang khua za zela 51 te chuan ODF Plus Model dinhmun an thleng tawh a. OSD Model Status-ah Sikkim ti tha berin zaa 100 dinhmun a thleng a, Mizoram chuan dawtin zaa 86 ODF Plus Model a thleng tawh bawk a ni.

Meeting chuan Sustainable Solid and Liquid Waste Management, Community Sanitary Complex, Plastic Waste Management leh Faecal Sludge Management hmalakna kawnga ngaihven tulte bakah fund hman dan leh hmanna chunchang bawhzui dan leh pawimawh dangte an sawi ho a ni.



#### LEITLANGPUI MUSIC FESTIVAL

Ni 3 awh Leitlangpui Music Festival chu vawiin hian Lungleiah tan a ni dawn a,

Tourism Minister Pi Lalrinpuii chuan kum 1932-a favang awllen laia HW Carter, Mizo in Zochhawni pa tia an koh phurpuinaa Serkawn concert hlu tak an buatsaih zulzuiin Lunglei hming chawiin festival chu buatsaih a nih thu a sawi.

Kan corr report lo ngaithla ang.



#### AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.



#### JHARKHAND

Jharkhand Assembly inthlan thawhkhatna chu nimin khan venhimna khauh tak hnuaiah tluang taka zawh a ni a. Tlai dar 5 thlengin vote zaa 66 dawn a tla. Puan tawh angin Assembly bial 43-ah vote thlak a ni a. Inthlan thawhkhatnaah hian voter vaibelchhe khat leh nuai 37 chuang an awm a. Candidate 683 awmin an zingah hian 73 chu hmeichhia an ni. Inthlan thawh khatnaah hian candidate langsar tak tak an awm a. Chung zingah chuan Sairkela biala ding Chief Minister hlui leh BJP candidate Champai Soren-te, Ranchi biala Rajya Sabha MP leh JMM hruaitu Mahua Maji , Lohardaga biala Congress candidate Rameshwar Orao, Jamshedpur biala ding Janata Dal (United) Candidate Saryu Rai leh Ichagarh biala ding AJSU Candidate Here Lal Mahto te an tel a ni.

Jharkhand Chief Electoral Officer K Ravi Kumar chuan hmun kilkhawr zawk atanga chanchin an dawn belh zel avangin vote tla zat hi ala pun chhoh tur thu a sawi.

Kan Correspondent report i lo ngaithla ang u

Inthlan thawhhnihna hi tun thla ni 20 ah Assembly bial 38 ah neih a ni leh dawn a. Vote hi tla te hi tun thla ni 23 ah chhiar a ni ang. Jharkhand Chief Electoral Officer K.Ravi Kumar chuan inthlan puan anih atanga dan phalloh sum leh bungrua an man tawh hi cheng vaibelchhe 179 hu a tling tawh a ti.



#### BY-ELECTION

Nimin vek khan Assembly bial 31 leh Wayanad Lok Sabha By-election vote thlak a ni bawk a.

By-election neihna Assembly bialte hi Rajasthan ah pasarih, West Bengal-ah paruk, Assam ah panga, Bihar ah pali, Karnataka ah pathum leh Madhya Pradesh leh Sikkim ah pahnih ve ve a ni a. Kerala, Chhatisgarh, Gujarat leh Meghalaya-ah te seat khat theuhah inthlan bawk ang.

Hei bakah hian Congress hruaitu Rahul Gandhi-a bial chhuahsan tak Kerala-a Wayanad bialah inthlan neih a ni bawk a ni. Vote zaa 65 vel a tla a ni.



PM

Prime Minister Narendra Modia chuan mipuiten hriselna tuantling an neih chu a sawrkar tum ber a ni a ti.

Nimina ramchung rel station hrang hranga damdawi mantlawm zawrhna Pradhan Mantri Bharatiya Jan Aushadi Kendras 18 a hawannaah he thu hi sawiin Pu Modia chuan kum nga lo awm tur chhungin medical seat sing 7 leh sang 5 hawn belh leh a ni ang a ti a. Hindi leh tawng dangin medical education kalpui turin sawrkar chuan hma a la tih a sawi bawk a ni.

Pu Modia hian Bihar-a Darbhanga atangin Kendra te hi a hawng a, Hei bakah hian cheng vaibelchhe sing khat leh sang 2 hu hmasawna project a hawng bawk a ni.

